

ՌԱՀՀԿ ԱՄՍԱԿԱՆ ԼՐԱՏՈՒ

3

Հունիս 2011



Ռազմավարական և ազգային հեռադաստիարակների հայկական կենտրոն

ՌԱՀՀԿ-ն անցյալ տարի մեկնարկ տվեց նոր ամսական լրատուների շարքի: Այժմ ձեռք են բերվել և ՌԱՀՀԿ-ի լրատուի հերթական համարը, որը համառոտակի ներկայացնում է 2011թ. հունիսին մեր իրականացրած գործունեությունը և ծրագրերը:

ՌԱՀՀԿ-ի գործունեությունը և ծրագրերը

ՌԱՀՀԿ-ը քննարկեց Հայաստանի տնտեսության ներկա զարգացումները



Հայաստանի տնտեսության զարգացման ներկա միտումների, մարտահրավերների ու հեռանկարների վերլուծությանն էր նվիրված ՌԱՀՀԿ-ում հունիսի 10-ին տեղի ունեցած սեմինար-քննարկումը, որին հրավիրված էին ՀՀ-ում հավատարմագրված դիվանագիտական առաքելությունների ու միջազգային կառույցների ներկայացուցիչներ, փորձագիտական մակարդակով խնդրին տիրապետող անձինք, քաղաքագետ-վերլուծաբաններ և լրագրողներ:

Ողջույնի խոսքով քննարկումը բացեց և մասնակիցներին արդյունավետ աշխատանք մտքեց ՌԱՀՀԿ վարչական տնօրեն Կարապետ Կալենյանը:

Համապարփակ իր զեկույցում Հայաստանի տնտեսության աղետալի վիճակը նկարագրեց և նրա զարգացման ուղիների սեփական տեսլականը ներկայացրեց տնտեսագիտության դոկտոր, պրոֆեսոր Թաթևուկ Մանասերյանը՝ շեշտելով, որ մեզանում տնտեսական

զարգացման ռազմավարությունը տակավին ձեռնարկված չէ:



«Այն դեպքում, երբ գիտության բյուջետային հատկացումները կազմում են ընդամենը 1 մլրդ դրամ կամ ՀՆԱ-ի 1 տոկոսից էլ պակաս, գիտելիքահենք տնտեսության մասին խոսք լինել չի կարող», - նշեց Մանասերյանը՝ իրավիճակից ելքը տեսնելով մասնավորապես ոլորտը կարգավորող օրենսդրական դաշտի կատարելագործման, հարկային ու մաքսային ճկուն քաղաքականության կիրառման և արդյունավետ տնտեսավարմանը միտված մի շարք այլ միջոցառումների իրականացման մեջ:

Քննարկումն անցավ մասնակիցների մտքերի աշխույժ փոխանակության մթնոլորտում:

ՌԱՀՀԿ-ի հետ օտարերկրյա դիվանագետների գործակցության շրջանակում

ՀՀ-ում հավատարմագրված բարձրաստիճանի դիվանագետների հետ հանդիպումների ու տարբեր հարցերի շուրջ մտքերի փոխանակության առումով ՌԱՀՀԿ-ի 2011թ. ամռան առաջին ամսվա աշխատանքային օրակարգը բավականին հագեցած էր:

Հունիսի 8-ին Մեծ Բրիտանիայի և Հյուսիսային Իռլանդիայի միացյալ թագավորության արտակարգ և լիազոր դեսպան Չարլզ Լոնսդեյլի հրավերով ՌԱՀՀԿ գիտական տնօրեն Մանվել Սարգսյանը մասնակցեց Նորին մեծություն Եղիսաբեթ թագուհու ծննդյան պաշտոնական օրվա →



← տոնակատարությանը, որն անցկացվեց Երեւանի Սիրահարների այգում: Երեկոյան դեսպանն իր կացավայրում ընդունեց եւ անկաշկանդ մթնոլորտում գրուցեց մեկուկես տասնյակ առաջատար քաղաքագետ-վերլուծաբանների, այդ թվում Սարգսյանի հետ:

Երկու օր անց դեսպան Լոնսդեյլը դարձյալ հյուրընկալեց ՌԱՀՀԿ տնօրենին եւ գրույց ունեցավ իր կողմից Մեծ Բրիտանիայի արտաքին գործերի նախարարության Արեւելյան Եվրոպայի ու Կենտրոնական Ասիայի տնօրինության ղեկավար Լորի Բրիսթոուի պատվին տրված ճաշկերույթի սեղանի շուրջ:

Իսկ հունիսի 15-ին ՌԱՀՀԿ այցելեց եւ Մանվել Սարգսյանի հետ հանդիպեց ՀՀ-ում Գերմանիայի դաշնային հանրապետության արտակարգ եւ լիազոր դեսպան Հանս-Յոխեն Ծմիդքը: Հանդիպման ժամանակ արծարծվեց տարածաշրջանային խնդիրների լայն շրջանակ:



Ճանաչողական այցեր Կենտրոն




Հունիսի 22-ին Ռազմավարական եւ ազգային հետազոտությունների հայկական կենտրոն (ՌԱՀՀԿ) այցելեցին Բոստոնի Նորթիսթերն համալսարանի հայազգի պրոֆեսոր Գրեգորի Ավթանդիլյանն ու նրան ուղեկցող մի խումբ ուսանողներ: Այցն ուներ ճանաչողական բնույթ: ՌԱՀՀԿ գիտական տնօրեն Մանվել Սարգսյանը հակիրճ ներկայացրեց Կենտրոնի գործունեությունը՝ ընդգծելով հասարակական կարծիք ձեւավորելու գործում նրա ծանրակշիռ դերակատարությունը: Այնուհետեւ ուսանողների առջեւ հանդես եկան փորձագիտական անձնակազմի անդամներից Էդգար Վարդանյանն ու Սարո Սարոյանը:

Վերջում հյուրերին ընդունեց եւ նրանց հետաքրքրող հարցերին պատասխանեց ՌԱՀՀԿ հիմնադիր-նախագահ Բաֆֆի Կ. Հովհաննիսյանը:

Իսկ հաջորդ օրը Մանվել Սարգսյանը հյուրընկալեց եւ գրույց ունեցավ Հյուսիսային Կարոլինայի համալսարանի (Չեյլ Հիլ) պրոֆեսոր Գրեթն Ռոբերթսոնի հետ՝ վերջինիս նոր հետազոտության շրջանակում, որի թեման առնչվում է սառը պատերազմի

ավարտից հետո աշխարհում տեղի ունեցած առանցքային փոփոխություններին:

Պրոֆեսորի խնդրանքով ՌԱՀՀԿ տնօրենը ներկայացրեց Հայաստանի ներքաղաքական իրավիճակը, մասնավորապես՝ 2008թ. նախագահական ընտրություններից ի վեր:



Հարցազրույց դոկտորական թեզի համար



Հունիսի 21-ին ՌԱՀՀԿ-ում հյուրընկալվեց եւ Կենտրոնի գիտական ղեկավար, քաղաքագետ Մանվել Սարգսյանի հետ հանգամանակից հարցազրույց ունեցավ այս օրերին Երեւանում գտնվող միջազգային վարպետ, Ավստրալիայի առաջատար շախմատիստուհի Արիան Քառիլին: Սակայն նրան, բնականաբար,

ՌԱՀՀԿ էին բերել ոչ թե շախմատային գործերը, այլ հայ-ռուսական տնտեսական-քաղաքական կապերի վերաբերյալ իր ուսումնասիրությունը՝ դոկտորական թեզը փորձագիտական եւս մեկ հեղինակավոր տեսակետով ամրապնդելու անհրաժեշտությունը:

Ավստրալիական ազգային համալսարանում եւ Եվրոպական բիզնեսի դպրոցում Քառիլին տնտեսագիտություն, ֆինանսական քաղաքականություն եւ միջազգային հարաբերություններ է ուսանում՝ միաժամանակ հետաքրքրություն ցուցաբերելով ՌԳ աշխարհաքաղաքականության, հայկական տնտեսական զարգացման, Հայաստան-Սփյուռք հարաբերությունների, ինչպեսեւ Միջին Արեւելքի քաղաքատնտեսության հարցերի նկատմամբ:

Հայաստանում նա կաշխատի մեկ ամիս եւ պաշտոնական ներկայացուցիչներից բացի, հանդիպումներ կունենա անկախ քաղաքագետ-վերլուծաբանների շրջանակի հետ:

Հավելենք նաեւ, որ Արիան Քառիլին միջազգային գրոսմայստեր Լեոն Արոնյանի մտերմուհին է, որի հետ մեր հայրենակիցը ծանոթացել է շախմատային օլիմպիադաներից մեկի ժամանակ:

ՌԱՀՀԿ-ը գնահատեց հետկազանյան իրավիճակը Լեռնային Ղարաբաղի շուրջ



Ռուսաստանի, Հայաստանի եւ Ադրբեջանի նախագահների կազանյան հանդիպումից հետո ԼՂ շուրջ տիրող իրավիճակը վերլուծեց ՌԱՀՀԿ-ն՝ հունիսի 30-ին հրավիրած հերթական սեմինար-քննարկման ընթացքում: Դրան մասնակցում էին ՀՀ-ում Մեծ Բրիտանիայի, Գերմանիայի դաշնային հանրապետության արտակարգ ու լիազոր դեսպաններ Չարլզ Լոնսդեյլը եւ Հանս-Յոխսեն Շմիդթը, ՀՀ-ում հավատարմագրված միջազգային կառույցների այլ ներկայացուցիչներ, քաղաքականությամբ զբաղվող փորձագետ-վերլուծաբաններ, լրագրողներ:

Ողջույնի խոսքով սեմինարը բացեց ՌԱՀՀԿ փորձագետ Սարո Սարոյանը՝ ներկաներին մաղթելով արգասավոր քննարկում:

Դատելով համանախագահողների հետկազանյան արձագանքներից, ՌԱՀՀԿ գիտական տնօրեն Մանվել Սարգսյանն իր գեկույցում չբացառեց ԵԱՀԿ Մինսկի խմբի ձեռնաչափի կամ արցախյան խնդրի լուծման կոնցեպտի փոփոխության հնարավորությունը: «Ես չեմ զարմանա, եթե ՄԽ-ն ցրվի եւ գործընթացը տեղափոխվի եվրոպական ինտեգրացման ոլորտ: Կարծում եմ՝ ժամանակը շուտով ցույց կտա, որ իրավիճակներ են փոխվում, դրվում է նոր փուլի սկիզբը, որը կարող է նշանավորվել ԼՂ-ի՝ իբրեւ առանձին կողմի, մասնակցությամբ», - նկատեց Սարգսյանը:

Կազանում, դրանից առաջ եւ հետո տեղի ունեցած զարգացումների ծիրում պատերազմի սպառնալիքի խնդիրն արծարծեց ՏՀԿ տնօրեն Ռիչարդ Կիրակոսյանը: «Անընդհատ ահաբեկելով պատերազմով եւ պահանջելով միանգամից ամեն ինչ՝ Ադրբեջանն ինքն իրեն անկյուն է մտցրել եւ հիմա հարմար պատրվակ է փնտրում դուրս գալու իր իսկ լարած ծուղակից, «արժանապատվորեն» հրաժարվելու Ղարաբաղից», - համոզմունք հայտնեց վերլուծաբանը:

Քննարկմանը հնչած հարցուպատասխանին ու մտքերի փոխանակությանը մասնակցեցին դեսպաններ Չարլզ Լոնսդեյլը, Հանս-Յոխսեն Շմիդթը, քաղաքագետ Լեոն Ուռումյանը, ՀՀ-ում Մեծ Բրիտանիայի դեսպանատան քաղաքական հարցերի պատասխանատու Նաիրա Սուլթանյանը, ՌԱՀՀԿ փորձագետ Սարո Սարոյանը եւ ուրիշներ:

● ՌԱՀՀԿ-ն եւ լրատվական դաշտը. հարցազրույցներ, հոդվածներ



Armenia Today

Հունիսի 3-ին Armenia Today-ին տված հարցազրույցում ՌԱՀՀԿ

տնօրեն Մանվել Սարգսյանը՝ խոսելով հունիսի 24-ին Կազանում Հայաստանի եւ Ադրբեջանի նախագահների հանդիպման հետ կապված հավանական զարգացումների մասին, կարծիք է հայտնում, որ Ադրբեջանի «բազմամյա շանտաժի քաղաքականությունն արդեն սկսել է աշխատել իր իսկ դեմ»: Հետեւաբար, քաղաքագետը չի բացառում Ադրբեջանի նկատմամբ ճնշում գործադրելու հնարավորությունը, ինչն էլ, Սարգսյանի կարծիքով, կարող է դեր խաղալ Կազանում՝ այդ երկրի դեկլարարությանը ստիպելով գնալ ուժի կամ ուժի սպառնալիքի չկիրառման մասին համաձայնագրի ստորագրման:

ԿԱՊԻՏԱԼ

ԼՂ բանակցային ձեռնաչափում Եվրամիության դերակատարության ընդարձակման, խաղաղության համաձայնագրի իրագործմանն օժանդակման, ինչպես եւ կազանյան եռակողմ հանդիպման մասին է ՌԱՀՀԿ տնօրենի հետ «Կապիտալի» (հունիսի 21) զրույցը: Արցախյան խնդրի կարգավորման այն փաստաթուղթը, որն այս պահին սեղանին է, Սարգսյանի դիտարկմամբ, հակասական ընդունելության է արժանանում Հայաստանի եւ Ադրբեջանի կողմից, հետեւաբար՝ «անհասկանալի է, թե նման պայմաններում ինչ լուրջ փոփոխություն կարելի է ակնկալել Կազանից»: Ըստ նրա, եթե կողմերը չզան համաձայնության, հնարավոր է՝ տեղի ունենա կոնցեպտի փոփոխություն, այսինքն՝ հակամարտության կարգավորման հիմքում դրվեն բացառապես նոր գաղափարներ ու սկզբունքներ:



«ԱՐ» հեռուստաընկերության «Ազդարար» լրատվական ծրագրի հետ գրույցում (հունիսի 16) ՌԱՀՀԿ փորձագետ Սարո Սարոյանը Հայաստանի էներգետիկ անվտանգության համատեքստում արծարծեց Իրան-Հայաստան նավթամուղի հեռանկարային նախագծի ու դրա գործարկման հնարավորությունների թեման: Ծրագրի անոթոշությունը փորձագետը պայմանավորեց տարածաշրջանում շահեր ունեցող տերությունների քաղաքական եւ տնտեսական մրցակցության հանգամանքով: «Ազդարարի» հյուրն, ի մասնավորի, անդրադարձավ նավթամուղի իրացման գործում ռուսական գործոնի դերին:

Հասարակական լայն հնչեղություն ստացավ Սարոյանի՝ «Ազատագրված հողերի հանձնումը եւ դավաճանությունը» խորագրով հունիսյան հոդվածաշարը, որը տպագրվեց էլեկտրոնային մամուլի մի շարք միջոցներում: Հեղինակի քննության առարկան Հայաստանի, Ադրբեջանի եւ Ռուսաստանի նախագահների կազմյան հանդիպումից առաջ մեզանում մեծ բանավեճ հարուցած այն հարցն էր, թե ազատագրված հողերի ենթադրյալ հանձնումը որքանով է հարվածում պետական ու ազգային շահերին եւ որքանով է նման քայլը ենթակա դավաճանություն որակմանը: Ընդգծվում է խնդիրը հուզական դաշտից դուրս բերելու եւ բանականության հարթությունում դիտարկելու կարեւորությունը, ինչպես նաեւ շոշափվում են Հայաստանի ու Արցախի անվտանգության տեսանկյունները: Փորձագետի հիմնավորմամբ՝ ազատագրված տարածքների լրիվ կամ մասնակի վերադարձը ոչ միայն դավաճանություն է, այլեւ հղի է ազգային անվտանգությանը սպառնացող ծանր հետեւանքներով:




ներում ընդդիմություն-իշխանություն փոխհարաբերությունների խնդիրը «Realpolitik»-ի գրուցակիցը շոշափեց ինչպես տեսական մակարդակում, այնպես էլ հայաստանյան օրինակով:



Փորձագետի խոսքով՝ ոչ ժողովրդավարական երկրներում իշխանությունները ընդդիմության հետ համաձայնում են բանակցել միայն իրենց պարտությունն ընդունելուց հետո: Հայաստանի պարագայում, ըստ Վարդանյանի, ՀԱԿ-ը չի ստեղծել այն իրավիճակը, որն իշխանություններին կստիպի նստել բանակցությունների սեղանի շուրջ, ուստի եւ իշխանությունները հրաժարվում են բանակցել արտահերթ ընտրությունների հարցով: «Մնանք են հաճախ հնչող այն տեսակետները, թե ընդդիմությունը՝ փաստարկներ բերելով, կարող է հեռացնել իշխանություններին: Ոչ ժողովրդավարական իշխանություններին որեւէ փաստարկ ի գորու չէ համոզելու, որպեսզի նրանք հեռանան», - համոզված է փորձագետը:

Հավելյալ տեղեկություն մեր մասին



Ռազմավարական եւ ազգային հետազոտությունների հայկական կենտրոնը 1994թ. հիմնադրել է ՀՀ առաջին արտգործնախարար Բաֆֆի Կ. Հովհաննիսյանը՝ արժանանալով հայաստանյան եւ Սփյուռքի աջակիցների լայն շրջանակների զորակցությամբ: Հետեւելով համաշխարհային զարգացումներին, գիտելիքների հիմքեր խարսխելով, հանրության հետ երկխոսություն ծավալելով՝ Կենտրոնը հետխորհրդային տիրույթում հանդես է գալիս որպես երկրաքաղաքական ստեղծագործական մտածողություն ձեւավորող եւ միջազգային միջավայրի համապարփակ ընկալմանը նպաստող ուժ: Վերջին շրջանում Կենտրոնն առաջնահերթ տեղ է հատկացնում տարածաշրջանային անվտանգության ու համագործակցության, քաղաքացիական կրթության, պետության եւ ազգի համար վճռորոշ՝ ներքին ու արտաքին քաղաքականությունների կիրառական հետազոտությանը:



Հունիսի 10-ին 1in.am-ի «Realpolitik» հաղորդաշարի հյուրը ՌԱՀՀԿ փորձագետ Էդգար Վարդանյանն էր՝ ՀԱԿ-իշխանություններ երկխոսության թեմային իր համակողմանի անդրադարձով: Ոչ ժողովրդավարական երկր-

Լրացուցիչ տեղեկությունների համար կարող եք դիմել ՌԱՀՀԿ՝ Երեւան, Երզնկյան 75, հեռախոս՝ (37410) 528-780 կամ 274-818, հեռապատճեն՝ (37410) 52-48-46, էլ. փոստ՝ root@acnis.am եւ info@acnis.am, կայքէջ՝ www.acnis.am: